

《佛說無量壽經》 補充講表

◎附表十六：以下糅合《佛說無量壽經甄解》

○第四十願：欲見十方無量嚴淨佛土，應時如願，於寶樹中，皆悉照見：不取正覺。

※《佛說觀無量壽佛經》云：「此諸寶樹，行行相當，葉葉相次。於眾葉間生諸妙華，華

上自然有七寶果。一一樹葉，縱廣正等二十五由旬。其葉千色，

有百種畫如天瓔珞，有眾妙華，作閻浮檀金色。如旋火輪，宛轉

葉間，涌生諸果，如帝釋瓶。有大光明，化成幢幡，無量寶蓋。

是寶蓋中，映現三千大千世界，一切佛事。十方佛國，亦於中現。」

○第四十一願：他方國土諸菩薩眾，聞我名字，至於得佛，諸根缺陋不具足者，不取正覺。

※《唐譯》云：「若我成佛，餘佛剎中所有眾生，聞我名已，乃至菩提，諸根有闕，德用

非廣者，不取菩提。」「陋」：不好看，醜。

○第四十二願：他方國土諸菩薩眾，聞我名字，皆悉速得清淨解脫三昧，：不取正覺。

◆「清淨解脫三昧」，是「念佛三昧」異名也。

◆住定供佛：即止中起觀，寂而常照也；供養諸佛而不失寂定，即照而常寂也。乃止觀雙運，寂照不二。

○第四十三願：他方國土諸菩薩眾，聞我名字，壽終之後，生尊貴家。若不爾者，不取正覺。

◆明願意者，大乘菩薩雖遊化，宿業未盡，生生生下賤家，化物不普，故興此願。

※《大智度論》云：「三賢菩薩生尊貴家，謂王家、婆羅門、長者、居士也。」

※《大智度論》卷三十八云：「何以故正生剎利等大家，不生餘處？答曰：生剎利，為有勢力；生婆羅門家，為有智慧；生居士家，為大富故，能利益眾生。貧窮中，自不能利，何能益人！」

○第四十四願：他方國土諸菩薩眾，聞我名字，歡喜踊躍，修菩薩行，具足德本。

※《唐譯》云：「若我成佛，餘佛剎中所有菩薩，聞我名已，若不應時修菩薩行，清淨歡喜得平等住，具諸善根，不取正覺。」

○第四十五願：聞我名字，皆悉速得普等三昧。……常見無量不可思議一切諸佛。

※《唐譯》云：「若我成佛，他方菩薩聞我名已，皆得平等三摩地門，住是定中，常供無量無等諸佛，乃至菩提，終不退轉。若不爾者，不取正覺。」

※《華嚴經》·如來現相品云：「佛身充滿於法界，普現一切眾生前，隨緣赴感靡不同，而恒處此菩提座。」

○第四十七願：設我得佛，他方國土諸菩薩眾，聞我名字，不即得至不退轉者，不取正覺。

◆第十一願以必至滅度為願體，其正定聚是彼土顯得；今不退，是現生信心不退，其義別也。若約密意，則正定、不退相通而已。

○第四十八願：他方國土諸菩薩眾，聞我名字，不即得至第一忍……不取正覺。

◆阿鞞跋致，此云：不退轉。三忍配三不退：（糅合會性長老《無量壽經講錄》、《彌陀要解》）

第一忍：「位不退」，入聖流，不墮凡地。斷見惑以上。

第二忍：「行不退」，恆度生，不墮二乘地。斷見思惑、塵沙惑。

第三忍：「念不退」，心心流入薩婆若海。分破無明，分證法身。

◆若約此土藏初果，通見地，別初住，圓初信，名位不退。通菩薩，別十行，圓十信，名行不退。別初地，圓初住，名念不退。（糅合《彌陀要解》）

◆第三十四願唯是誓冥契無生忍，今此願乃誓冥得三忍，是「即得」之字，顯一時圓具三忍，特示圓融冥益而已。如三十四願則唯願無生一忍，故圓具得益未顯著，是以今此願示圓具得忍也。又經中『見樹得益文』，如『見此樹者得三法忍，一者、音響忍，二者、柔順忍，三者、無生法忍』等，不說『即得』等也。